



Босна и Херцеговина  
Агенција за идентификациона  
документа евиденцију  
и размјену података



Bosna i Hercegovina  
Agencija za identifikacijske/identifikacione  
isprave/dokumente, evidenciju  
i razmjenu podataka

Broj: 15-03-16-5-1-63/19  
Datum: 27.5.2019. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08) i člana 70. stav 1. Zakona o javnim nabavkama („Službeni glasnik BiH“, broj 39/14), direktor Agencije za identifikaciona dokumenta, evidenciju i razmjenu podataka Bosne i Hercegovine donosi sljedeću:

### **ODLUKU o izboru najpovoljnijeg ponuđača**

#### **I**

Najpovoljniji ponuđač u postupku javne nabavke izdataka za kompjuterski materijal (toneri) objavljenom na *web* portalu Agencije za javne nabavke Bosne i Hercegovine, broj Obavještenja o nabavci, broj 1110-1-1-3-3-4/19 od 14.2.2019. godine, koji je proveden u skladu sa procedurom otvorenog postupka je Veleton d.o.o. Laktaši.

#### **II**

Ova odluka će se dostaviti ponuđačima u roku od tri (3) dana, a najkasnije u roku od sedam (7) dana od dana donošenja.

#### **III**

Ova odluka stupa na snagu danom donošenja.

### **O b r a z l o ž e n j e**

Na osnovu provedenog postupka nabavke, Komisija za provođenje postupka nabavke je konstatovala da je rok za dostavu ponuda 14.3.2019. godine do 10:00 sati, te da je do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristiglo osam (8) ponuda i to ponuđača: DEFTER d.o.o., Gatačka 20, Sarajevo; D.O.O. INFOCOMP, Srpske Vojske 2, Bijeljina; VELETON d.o.o., Svetosavska 110, Laktaši; ALF-OM d.o.o., Mladena Stojanovića 43-45, Banja Luka; BIRO.KIP d.o.o., Ada 28, Banjaluka; INTEC d.o.o., Cvijete Zuzorić 9, Brčko; INTERCOM d.o.o., Vrandučka 71b, Zenica i R&S d.o.o., Igmanska bb, Vogošća. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a u skladu sa Rješenjem Agencije, broj 15-03-16-5-1-47/19 od 7.5.2019. godine, ponovo provela postupak analize i ocjene ponuda po provedenoj ponovnoj *e-aukciji*, gdje je priznat preferencijalni tretman ponude DEFTER d.o.o. Sarajevo, te je izradila Zapisnik o pregledu i ocjeni ponuda, broj 15-03-16-5-1-61/19, od 27.5.2019. godine, u kojem su detaljno obrazloženi razlozi za izbor najpovoljnijeg ponuđača.



Komisija je utvrdila da je dostavljena ponuda ponuđača INTERCOM d.o.o., Vrandučka 71b, Zenica neprihvatljiva iz razloga što je ponuđač dostavio samo jednu kopiju ponude, a tačkom 5.4. Tenderske dokumentacije je jasno naznačeno kako ponuđač treba dostaviti ponudu u originalu i dvije (2) kopije, te isti nije zadovoljio kvalifikacione uslove tražene tenderskom dokumentacijom.

Takođe, Komisija je utvrdila da su ponude ponuđača BIRO.KIP d.o.o., Ada 28, Banjaluka, i INTEC d.o.o., Cvijete Zuzorić 9, Brčko, neprihvatljive. Naime, ponuđač BIRO.KIP d.o.o., Ada 28, Banjaluka, nije dostavio spisak izvršenih ugovora u posljednje tri (3) godine, te tako nije zadovoljio uslov tražen tačkom 6.5. Tenderske dokumentacije, a ponuđač INTEC d.o.o., Cvijete Zuzorić 9, Brčko, nije dostavio potvrde o uredno izvršenim ugovorima sa iznosima, kao ni izjavu o uredno izvršenim ugovorima uz predočavanje dokaza o učinjenim pokušajima da se takva potvrda obezbijedi, a što je traženo tačkom 6.5. Tenderske dokumentacije.

Komisija je, dalje, konstatovala da je ponuđač DEFTER d.o.o., Gatačka 20, Sarajevo, dostavio dokaze za primjenu preferencijalnog tretmana u skladu sa Aneksom 2. Tenderske dokumentacije, odnosno izjavu i traženo uvjerenje Privredne komore Federacije Bosne i Hercegovine.

Sve ostale zaprimljene ponude (DEFTER d.o.o., Gatačka 20, Sarajevo; D.O.O. INFOCOMP, Srpske Vojske 2, Bijeljina; VELETON d.o.o., Svetosavska 110, Laktaši; ALF-OM d.o.o., Mladena Stojanovića 43-45, Banja Luka, i R&S d.o.o., Igmanska bb, Vogošća) su ocijenjene prihvatljivim i kvalifikovanim, te je nakon održane ponovne *e-aukcije*, analizom ponuda i primjenom kriterijuma najniža cijena Komisija utvrdila sljedeće:

Najpovoljnija je ponuda ponuđača VELETON d.o.o., Svetosavska 110, Glamočani, Laktaši, sa ukupnom cijenom od 9.750,00 KM bez PDV-a, odnosno 11.407,50 KM sa PDV-om. S obzirom da ista u ekonomskom i tehničkom smislu u potpunosti zadovoljava zahtjeve ugovornog organa, Komisija je dala preporuku da se donese odluka o izboru najpovoljnijeg ponuđača.

Na osnovu prijedloga Komisije, odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane Agencije u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

 X  
**GORAN RAKIĆ**  
DIREKTOR  
Dr. sc. Arif Nanić  
дигитално потписано / digitally potpisano / digitally signed